

hæc virgo victoriam præ viris, a pro quodam insignis magnitudinis occiso, unde præmio à Meleagro donata est: Apud Stethæum Æsculapiifanum è saxo percusso aquam elicuit, quam sitibunda bibit: Quæ cùm allegorica & Emblematica revera sint & nullo modo historica, volui in hujus Heroïnae commemorationem intellectualem hunc tractatum Emblematicum indigetare, præsertim cùm poma ei projecta ex hortis Hesperiis à Venere, suavitatis Dea, Hippomeni fuerint ministrata: In modulis illis seu fugis Musicis hoc observatum videtis, quod singula disticha ad tres illas voces adaptata convenienter canendo exprimi possint, in quibus cùm uni simplici voci tot varietates fugarum sint accommodatae, omnis cordatus & intelligens hanc quoque Emblematicam quasi configurationem, in his, ut & in distichis adaptationē ad singulas voculas, boni consulet & pro nonnihil reputabit: Si enim mercatores nonnulli pro magna pecunia summa artificium picturæ aliquod estimant & emunt, ubi soli oculi falluntur, cùm naturæ propinquissimum judicent, quid ni literati has figuræ, quæ & intellectui & sensibus pluribus inserviunt ita, ut magna inde speranda sit utilitas præter oblectationem, in precio habeant & magni censeant? Vale.

E P I